

Indre Masfjorden barnehage Plan for trafiksikker barnehage



Om barnehagen

Indre Masfjorden barnehage er ein to-avdelings barnehage lokalisert på Matre i Masfjorden. I nabolaget rundt barnehagen finn vi Matre skule, Havforskningsinstituttet, Eviny og Einekavane AS, samt ein del bustadbebygging. Fylkesveg 382 går langs barnehagen, og E39 går gjennom bygda. Det er også ein del kommunale vegar i området. Barnehagen er relativt godt skjerma frå E39, men følg fylkesvegen og dei kommunale vegane når vi går på tur i nærmiljøet rundt barnehagen.

Føresette køyrer stort sett barna til og frå barnehagen. Nokre barn kjem og reiser heim med buss, dette vert avtalt dag for dag med barnehagen. Då hentar og leverer personalet barnet ved busstoppen langs fylkesvegen like utanfor gjerdet til barnehagen. Bussjåfør og føresette har ansvar for å sikre barnet på bussen.

Målet er at Indre Masfjorden barnehage gjennom det daglege arbeidet skal bidra til at barna lærer å orientere seg og ferdast trygt i trafikken. Barnehagen skal bidra til at barna får grunnleggjande kunnskap om korleis ein skal opptre som fotgjengar i trafikken, og drive førebyggjande tryggingarbeid som minskar risiko for skader og ulukker.

I samarbeid med føresette skal vi syte for at levering og henting i barnehagen skal føregå på ein trafikksikker måte.

Denne planen inngår som ein del av barnehagen sin årsplan.

Innhaldet i denne planen er forankra i Forskrift om miljøretta helsevern, Folkehelselova og Rammeplan for barnehagens innhald og oppgåver.

Kriterier for trafikksikker barnehage

For å få kvalitetsstempelen Trafikksikker barnehage, må barnehagen oppfylle følgjande kriterier:

- Trafikkopplæring vert innlemma som del av årsplanen til barnehagen
- Barnehagen stiller krav til busselskap og drosjer om belte og trafikksikker åtferd ved kjøp av transport-tenester
- Dei tilsette kjenner rutinane for handtering av uventa faresituasjonar og hendingar på turar
- Barnehagen har utarbeidd rutinar for å ivareta tryggleiken på turar til fots og med bil eller kollektivtransport
- Barna lærer trafikkreglane for fotgjengarar
- Barna lærer å bruke sansane sine i trafikken

- Barna lærer å bruke bilbelte, sykkelhjelm og refleks
- Barnehagen har rutiner for å ivareta tryggleiken til barna ved parkeringsplassen og porten til barnehagen. Rutinane vert gjennomgått årleg med føresette og tilsette
- Barnehagen oppfordrar føresette til å sikre barna på veg til og frå barnehagen
- Trafikktryggleik og trafikkopplæring er årlege tema på foreldremøte

Førebyggande arbeid i barnehagen

Barnehagen har pedagogiske opplegg om trafiksikkerheit, som td Tarkus, Naffen og Barnas trafikkubb, og nyttar desse i temaarbeid i løpet av året.

Kvar gong vi er på tur, snakkar vi med barna om kva som er viktig å hugse på når vi er i trafikken.

Årleg gjennomgang av Bedreskapsplan for barnehagane i Masfjorden sikrar at tilsette er kjende med rutiner knytt til hendingar, ulukker og skader som kan oppstå, og korleis ein skal forhalde seg i trafikken.

Trafikktryggleik på tur

- Dei tilsette har med mobiltelefon
- Ha på refleksvestar
- Gå saman to og to
- Ein vaksen fremst og ein bakerst
- Turansvarleg har til ei kvar tid oversyn kor mange barn som er med, og kvar dei er
- Gå på venstre side langs bilveg
- Sykle på høgre side av vegen
- Sjå til begge sider før vi kryssar vegen

Kollektivtransport

- Føresette har signert på løyveskjema knytt til turar i buss og drosjer
- Det skal berre nyttast bussar og drosjar med trepunkts selar
- Sikre barna på best mogeleg måte med sikringsutstyret som er i bussen eller drosja
- Barnehagen har kjøpt inn bilputer med rygg som kan nyttast ved turar med buss/drosje
- Føresette tek med bilstol til eige barn som dei festar i bil eller buss, eller dei instruerer personalet om korleis det skal festast
- Turansvarleg har til ei kvar tid oversyn på at alle barna er med, og kvar dei oppheld seg
- På- og avstiging skjer under kontrollerte og sikra tilhøve

Foreldre og føresette si rolle i trafikktryggingsarbeidet

Barnehagen tek ansvar for at trafikktryggleik vert tema på foreldremøte årleg.

Barnehagen har desse forventningane til føresette:

- At barna er forskriftsmessig sikra i bil
- At dei lukkar porten etter seg
- At føresette går først ut porten ved henting

På parkeringsplassen

- Om mogleg, rygg inn på parkeringsplassen
- Ta med nøklane når du går frå bilen – bilen skal ikkje stå på tomgang utan vaksne i bilen

På barnehagen sitt uteområde

- Porten skal alltid vere lukka!
- Dei vaksne, anten personale eller føresette i følge med barn, skal alltid gå først ut porten
- Når barn og tilsette er ute på området i hentesituasjonar, må ein av dei tilsette ha tilsyn med porten for å sikre at barn ikkje kjem seg usett gjennom porten. Når mange kjem og går samstundes kan det vere fort gjort å smette unna
- Personalet er medvitne og merksame på kvar barna oppheld seg, og at barna ikkje går ut frå barnehagen sitt område

Personalet si rolle i trafikktryggingsarbeidet

- Vere gode rollemodellar, og følgje Masfjorden kommune sine retningslinjer for tilsette i høve trafikksikker kommune
- Sjekke at portane er stengde før barna får gå ut
- Halde seg oppdatert på barnehagen sin beredskapsplan – denne vert gjennomgått i fellesskap årleg
- Nytilsette og vikarar får opplæring i barnehagen sitt trafikksikringsarbeid
- Dersom det skjer avvik i høve til sikring av barn i bil eller på sykkel ved bringing eller henting, tek personalet dette opp med dei det gjeld